

鞏縣志卷之十六

紀言志

天語煌煌温綸如昨風雅之流登高而作唱和  
移情屑臺傑閣椽筆鴻篇必關民瘼不則雕蟲  
祇供一噓志紀言第十四

御書

唐

睿宗皇帝賜越國公鍾紹京

鞏縣志

卷十六

紀言

定難元勳

載本傳

懿宗皇帝書賜金紫光祿大夫李邁母曾氏百歲

康寧

女史記

宋

徽宗皇帝書賜曾淵曾開曾班

崇寧三年癸未同榜

聯芳

高宗皇帝書賜曾懋

懋叙九族

賜通奉大夫曾幾勅

紹興二十八年俱載家譜

賜奉議郎直秘閣賜緋魚袋陽孝本勅

大觀二年

賜中憲大夫周原勅

紹定三年

明高皇帝賜國子學司業劉丞直勅

洪武元年

世宗皇帝賜侍御謝少南勅覃恩封贈勅

神宗皇帝賜四川布政謝詔覃恩封贈勅

神宗皇帝賜監察御史劉思誨覃恩封贈勅

懷宗皇帝賜宮保尚書謝陞覃恩封贈勅

贛縣志

卷十六

紀言

以上散佚不備錄

孝宗皇帝賜敷文閣待制曾幾

文獻 俱載家譜

明

神宗皇帝賜桓愨公謝詔御爐書銘

平播有功

熹宗皇帝賜謝詔祠扁

特祀名賢

綸音

贛縣志 卷十六

紀言

賜吏部尙書曾楙勅 建炎二年

制曰輔世翊運乃臣子之盡忠崇德報功實國家

之令典開創尙隆封錫繼興尤重恩施爾禮部

侍郎兼兵部曾楙扈從皇太后克抱蓋誠爰協

盡瘁瞻茲需才孔亟須先銓選得人特晉爾階

榮祿大夫載錫之誥於戲推恩中命爰弘獎于

忠貞樹德功尙益勤于篤棊罔負乃素益勵厥

勅爾其念哉

國朝

賜封修職佐郎張鳴鴻勅

制曰錫類乃朝廷之典報本爲人子之心爾張鳴鴻  
乃候選國子監典簿張樹德之父敦古訓以修身  
秉義方而教子茲以爾子遵例急公移贈爾爲修  
職佐郎候選國子監典簿錫之勅命於戲承茲優  
渥永茂忠勤

賦

崆峒雪樵賦

宋 濂

劉君宗弼家于贛之空同山陽學贍而文雄嘗擢進士第入教成均出任浙江部使者之寄聲光已赫然矣君乃退然弗居方以空同雪樵自號其殆顯幽一致者歟非賢而有德者益弗能也君間請濂賦其事雕蟲篆刻之學老且亡去黽俛操觚雖用賦體而比物成義爲多君之西還或歌於清泉白石間山靈聞

贛縣志

卷十六

記言

六

之未必不蹶然一笑也其辭曰 伊空同之拔起兮 鎮嶠南之靈區翠旂續其蕩空兮播灝氣之蕤綏章 貢挾以北流兮益土脉之滋腴允遙通於龍翁兮勢 蟠亘於鬱孤信地維之與宅兮爲靈真之所都則有 白鷺羽人黃唐丹士闢玉爲房鑄金成黍仰青帝以 布帷撥赤霞而啟筭悼下士之全濁凌剛風以逕度 惟彭城之仙子兮式爛柯之遺軌謂靈奕之可觀兮 意翩翩而遐舉裘剪鹿脫之花屨約芝田之藁巾割

湘雲之枝顰點彩鷓之尾揚胡麻之未斂愛白石之  
堪煑踰洞真之石扉借修月之寶斧期緱笙之下臨  
兮庶錄文之可嘜于時五冬屆朔氣交冰腹堅金莖  
高二鶴夜語獨鳥晝聳葦花之聚白合溟滓於空  
寥幻九清之秘景闢大素之瀛苞奪人目睛兮若流  
永翻空而不定一白無地兮如躡銀炆燿於霜刀瓊  
林玉樹疊穎聯柯條頓亡於春綠蕩巧綴於晴梢乃  
陟瑤磴乃依冰樾膚中寒而鱗指屢僵而弗屈丁

贛縣志卷十六

七

七

丁許許不遺餘力已枯成采方長不折玉屑隨聲而  
輕墮霜莖倚雲而初積京以九真之赤藤附以千年  
之茶魄既逍遙而咏歸忘蒸鹿于今昔歌曰我采我  
樵兮太濛之野萬樹瓏璫兮玉光照夜孰能相從兮  
與霓旌而俱下于是築石竈繙金經養神火煉黃寧  
永生水虎之窟鉛出火龍之窟夜承太乙之珠幾運  
元華之精憑添抽之卦券植鄴鄂之丹城逮伐毛而  
洗髓致陰爍而陽凝種芝於瓊玉之山折桂於廣寒

之庭領衿佩于橋門集鷓鷯于玉庭白簡霜飛繡衣  
春明近一出而持斧使九夏之生冰定棄風而來歸  
兮將瀛洲之先登隔人間之風雨兮遽真凡之異程  
至若西隣之子沈酣羶葷屏龜香曙笙火花春瑤階  
舞楚銀館歌秦黃塵迷南華之夢傲屣嗤東郭之貧  
樂鐘鼎之遺豔厭烟霞之近醇尙父釣渭阿衡耕莘  
或封齊於東海或致君於華勛齊出處於一塗何變  
志於屈伸世續紛兮麗以新蠟代薪兮傷芳辰翻海  
顛縣志

卷十六

紀言

八

水以爲霖兮曾莫濯夫游塵孰不化爲胡燕兮依華  
棖之飛文丹禽鳴夫空谷兮亦寥寥之一聞彈樵歌  
之逸響兮寄綠綺於秋旻歌曰若有人兮在蘭厓止  
白虎爲使陟崇巘止皓毳廻颯敷天葩止虛白內朗  
絕纖瑕止仁斧義戕龍鏘鳴止鷓膏匪施痴弗形止  
剪彼薪樗扶松栢止養賢大鼎熟以烹止天下爲公  
大道行止遡風屹立思盈盈止

八境臺賦

並序

易學實

贛西北城隅層樓矗起臨雙江逆湖漢東來而  
崆峒玉房巘岼疊巘幾隱青空之半宋學士蘇  
軾嘗登臺賦詩至今讀之疑未足盡子瞻之長  
因知登高作賦之爲難也臺一毀於丙戌贛受  
圍七閱月嶺北一道使者彭公期生分得西北  
拒守洎城潰投繯臺上至今贛人能言而傷之  
定鼎後太守三韓郎公創新余嘗作記勒於臺  
一日風癡解破衣褻柱然火刻盡守者又新之

康熙辛亥孟夏偶旅贛城友人爲余班席設酌  
盡日登臨指顧譚笑不自知所懷何屬歸而成

賦

何穹青之不可升兮何水黥之不可越吾欲斧山川  
使夷兮削天關之突兀憐下土之氛氲兮悲群魑之  
與窟春風胡爲蕤蕤者蟲寒月胡爲忤忤狸層臺寂  
歷高樓崢嶸江流縮帶雙虹晶縈方龍戰之赤廬兮  
天柱爲之觸傾曾嶺頭之翠嶽兮與贛石之鳴鳴長



星東見旄尾西生日照太旗風搖五旌夕酣呼而乘  
埤書攘臂而請纓沙浮水淺兔起鶴驚人自以爲衛  
霍耻殞喪乎家聲洎而霜憑濕鼓夢破瘖鉦靜中天  
之金鐔凌漆夜之嚴城師中劍履未及于皇大將藁  
鞞未及于棖鏑落行宮雲壓連營烟飛萬戶兮崆峒  
欲熾波翻二水兮舳艫如軒壯士怨兮氣噴龍鼉佳  
人逝兮魄逐交驕望匡山之雲兮不獨糾趙氏之壁  
聽浙江之潮兮不獨撼越王之城霜嚴夜寂兮氣薄

贛縣志

卷十六

紀言

十

星暈風凜霰集兮開平之功頽日墜倏爾魂馳北岸  
倏爾燐遍南河倏爾玉虹縈白骨倏爾翠波湧青蛾  
含涕益井凝血朱莎至今廿餘年之後追維十月之  
交懷痛悼之如何豈不色變長平之慘豈不泪添睢  
水之波噫吁嘻埤垣如故物會已夏試登高眺遠漠  
然徒見山高而水清躡砌露兮珠霑素履瞻碧甍兮  
玉映朱絲舉觴四顧澄懷三思羨皂蓋之魁歸兮何  
如馬蹄之蹋遍頌兼泓之清插兮何如塵外之委

吾將披鶴氅兮追赤松之跡挾鳩杖兮問黃綺之山  
寢虎豹於四宅兮騎虬龍于九關咲陰符之何事兮  
卽素書而可刪散雲璈兮發天籟樂高山之響答兮  
與流水之潺湲

詩

下灝石

孟浩然

灝石三百里，泓洞千嶂間。沸聲常活活，洑勢亦潺潺。  
跳沫魚龍沸，垂藤猿狖攀。榜人苦奔峭，而我忘險艱。  
放濶情彌恣，登艫目自閑。瞑帆何處泊，遙指落星灣。

寄天竺山僧韜光

白居易

一山門作兩山門，兩寺元從一寺分。西澗水流東澗  
水，南峯雲起北峯雲。前臺花發後臺見，上界鍾清下

贛縣志

卷十六

雜言

十一

界聞遙想吾師行，樂處天清桂子落紛紛。

八境臺

八首

蘇軾

南康江水歲歲懷，幾孔蒼宗翰作石城上有樓觀臺，  
榭東望七閩南望五嶺，覽群山之參差。俯章貢之奔流，  
仍作詩八首題于臺上。

坐看奔湍遶石樓，使君高會百無憂。三犀竊鄙秦太  
守，八詠聊同沈隱侯。

清頭寂寞打城還，章貢臺前莫靄寒。劬客登臨無

思孤雲落日是長安

白雀樓前翠作堆  
縈雲嶺路若爲開  
故人應在千山外  
不寄梅花遠信來

朱樓深處日微明  
皂盆歸時酒半醒  
薄暮漁樵人去盡  
碧溪清嶂遶螺亭

使君那暇日參禪  
一望叢林一悵然  
成佛莫教靈運後  
着鞭從使祖生先

卻從塵外望塵中  
無限樓臺煙雨濛  
山水照人迷向

韻縣志

卷十六

紀古

背只尋孤塔認西東

烟雲縹緲鬱孤臺  
積翠浮空雨半開  
想見之罘觀海市  
絳宮明滅是蓬萊

回峯亂嶂鬱叅差  
雲外高人世得知  
誰向空山弄明月  
山中木客解吟詩

鬱孤臺

八境見圖畫  
鬱孤如舊游  
山爲翠浪涌  
水作玉虹流  
日麗崆峒曉  
風酣章貢秋  
丹青未變葉  
鱗甲欲生洲

嵐氣昏城樹灘聲入市樓煙雲侵嶺路草木半炎州  
故國千峯外高臺十日留他年三宿處準擬繫孤舟

### 廉泉

水性故自清不清或撓之君看此廉泉五色爛摩尼  
廉者爲我廉何以此名爲有廉則有貪有慧則有癡  
誰爲柳宗元孰是吳隱之漁父足豈潔許由耳何滯  
紛然立名字此水了不知毀譽有時盡不知無盡時  
竭來廉泉上捋鬚看鬚眉好在水中人到處相娛嬉

贛縣志

卷十六

紀言

十四

### 天竺寺

有序

予年十二先君自虔州歸爲予言近城山中  
天竺寺有樂天親書詩筆勢奇逸墨跡如新  
今四十七年矣予來訪之則詩已忘有刻石  
存耳感涕不已而作是詩

香山居士留遺跡天竺禪師有故家空詠連珠吟疊  
壁已亡飛鳥失驚蛇林深野桂寒無子雨泥山薑病  
有花四十七年真一夢天涯流落涕橫斜

慈雲寺

黃魯直

城東寶坊金碧重道人修惠剪蒿蓬一旃一鉢三十  
載瓊榭碧瓦上秋空稻田摩袖擁黃髮夏築高閣諸  
天中三后在天遺聖墨百神受職扶琳宮文思帝澤  
餘滋潤雨露下國當年豐貢川章川結襟帶梅嶺桂  
嶺來朝宗參旗斗柄掠欄楯清坐耳聞河漢風道人  
飽叅口掛壁頗喜作詩如己公家風秀句刻琬琰邀  
我落筆何能工安得雄文壓勝境九原喚起杜陵翁

贛縣志

卷十六

紀言

十五

鬱孤臺

文天祥

城郭春深濶樓臺晝影遲並天浮雪界盆海出雲旗  
風雨十年夢江湖萬里思倚闌時北顧空翠濕朝曦

翠玉樓

二首

昏鴉何處落野渡少人行黃葉聲在地青山影入城  
江湖行客夢風雨故鄉情試問東南信梅花三兩英

又

客影魚千里年華柳十圍白雲棲石密黃鵠出烟微

江海秋風老湖山晚日暉鬱孤臺上望野濶犢初肥  
馬祖巖

曾將飛錫破苔痕一片雲根鎖洞門山外人家山下  
路石頭心事付誰言

塵外亭

半山風雨截江城未脫人間總是塵中夜起看衣上  
月青天如水露華新

雲端

贛縣志 卷十六

紀古

十六

半空天矯起層臺傳道劉安車馬來山上自晴山下  
雨倚闌平立看風雷

登北極院紫霞樓

劉永直

危構憑虛接太清紫霞如綺散前楹萬年佳氣通幽  
谷五夜神光動赤城鶴駕凌風霓旆遠鳳笙吹月羽  
衣輕空同對面三千丈我欲因之問廣成

黃籙上壇觀

解縉

上壇觀在府城東地接文潭水  
脉通莫向樓前吹鐵  
笛月明誰怕引蛟龍

通天巖

王守仁

四山落木正秋聲，獨上高峯望眼明。  
樹色遙連閩嶠碧，江流不盡楚天清。  
雲中想見雙龍轉，風外時傳一笛橫。  
莫遣新愁添白髮，且呼明月醉深醅。

廉泉

姜璉

涓涓泉脉石中生，流出招提分外清。  
涵鏡有光能照物，鳴琴無譜自成聲。  
一泓徹底元無滓，萬古稱廉豈盜名。  
若使夷齊身未死，也須來此濯塵纓。

贛縣志

卷十六

紀言

十七

遊通天巖

邢珣

漫尋丘壑伴幽栖，僻徑真堪與世違。  
翠壁苔深沉鳥篆，高秋木落見巖扉。  
臺空白玉乾坤迥，人冷丹爐信息稀。  
童冠追陪傳故事，不妨歌詠月中歸。

鬱孤臺

李夢陽

朔日送客返，慨然登鬱孤。  
悲歌爲閩廣，指顧盡江湖。  
南俗羗夷雜，北流章貢俱。  
兵舸尚滿眼，繹繹詣饒都。

挈江樓

二首

董世彥



萬里秋歸木葉丹那因搖落泣南冠城狐忽送青  
劇客久偏驚白鷺寒五嶺天高消瘴癘大江星聚佩  
椒蘭尊前蕭蕭冥鴻過怪爾凌風海嶽寬

廉泉亭

丁繼嗣

春日重開讌看花騎屢移幽閑支遁社清淺習家池  
曲以宮商叶懷將晝夜披臨流一長嘯此意許誰知

再遊通天巖

鄒德溥

夏木亂芳菲乘風入翠微渾依巖作室半借石爲扉

贛縣志

卷十六

紀言

十八

幡影連雲動鍾聲帶雨飛高僧閑對語永日澹忘歸

八境臺和東坡原韻

溫陵丁燁

暮倚江干古郡樓四郊銷壘暫忘憂由來坐鎮推儒  
將誰繼文成拜列侯

江帆沙鳥去仍還雲樹蕭森夕照寒衰草何年荒望  
闕秋風回首憶長安

讀石灘齊灑瀕堆巉巖疑借五丁開遙天數點輕如  
葉知是扁舟觸浪來

峽雨江雲蔽日明  
秋山黯淡醉難醒  
崆峒天竺虛  
眺寂寞誰尋塵外亭

當年馬祖此棲禪  
翠岫丹巖尚巋然  
悟得隨身竿木  
在生天末讓謝公先

雉堞嵯峨萬嶺中  
七閩烟樹隱冥濛  
秋天故國無來  
鴈誰寄音書到海東

疊嶂紆迴抱古臺  
平臨硤礪水田開  
芋苗稻米秋何  
似幾日單車問草萊

贛縣志

卷十六

紀言

十九

冥鴻雪爪嘆參差  
楚水燕雲隔素知  
獨有坡公遺跡  
在鷓鴣聲裏和啼詩

前題

丁焯

千峯聳翠抱江樓  
極目能銷客子憂  
聞道大龍多隱  
宅逃名誰復繼柴侯

詞客南遷此往還  
高臺遺跡墨花寒  
卽今八詠傳坡  
老猶比滕王有子安

郭內人家香錦堆  
秋來百卉遠籬開  
素馨末梨花如

雪幾日吳船不買來

贛石驚濤匹練明憑欄操雪酒初醒登艫猶記襄陽  
句擬向章江結孟亭

丹嶂曾棲磨鏡禪香臺松栢尙依然何時瓶拂追霞  
老學取淨名選佛先

家住閩灘百折中歸舟路隔雨濛濛愁時最恨雙流  
水日夜潺湲只向東

鷓鴣啼近鬱孤臺霽景斜陽一半開謾向登臨懷李

贛縣志

卷十六

紀言

二十

勉荒碑無字枕蒿萊

西風萬樹影參差信馬迴鞭不自知折得芭蕉霜外  
葉竹牕濡墨好吟詩

鬱孤臺歌次宋牧仲韻

丁焯

高臺屹峯爽氣浮下有章貢互奔流崩灘激浪排岸  
渚漁柳估舶凌清秋千載遺基委黃土蔓草荒藤翳  
斷礎崕峒山勢徒蜿蜒叠嶂連岡走橫浦我來躑躅  
看嵯峨中懷磊砢感慨多蒼茫魏闕雲際遠回風落

日增悲歌

前題次韻

丁焯

虎頭城上蒼翠浮  
 虎頭城下滄波流  
 孤臺臨風一憑眺  
 冷然萬壑生清秋  
 江山信美豈吾土  
 遺跡荒碑枕殘礎  
 孤城望闕誰復憐  
 寂寞斜陽照寒浦  
 鯨鍾鏗鞀來嵯峨  
 墟煙欲合林靄多  
 懷鄉攬古叢百感  
 斫地和王郎歌

舟下十八灘

丁焯

贛縣志

卷十六

紀世

廿一

巖石挾奔流  
 詭激紛萬變  
 汔濟憂濡尾  
 投荒媿屢踐  
 臨淵疑九折  
 徘徊廢餐膳  
 灑瀕嗟未經  
 黥淡愁載見  
 嗟呀啣崩濤  
 齒齒屬于箭  
 微命寄支撐  
 安危在一盼  
 篙師鼓碓櫓  
 力與漩渦戰  
 劣乃脫惶恐  
 得假布帆便  
 峭巖莽迴復  
 排昇風勢轉  
 叢薄翳朝曛  
 亂蒿竄饑狴  
 反顧挂長綯  
 歌側浮素練  
 忠信托虛舟  
 夷猶到江面

前題次韻

丁焯

高灘路逶迤  
 蕩滯勢屢變  
 嘆息蓬蓰身  
 杌隉幾回踐

侵晨理蓬牕拼當不遑膳陽侯淬劍稜半萼盤  
放溜類擘絃經崖懼飲箭激石散晴雨飛灑眈顧盼  
心手急枝撐篙櫓相搪戰欻然脫危機利涉詫輕便  
接艫沿駮駮颯迴峯影轉竹暝叫山雞藤深蔽崖甍  
森森廬陵江晶晶吳門練返景且停橈鷺鷗如識面  
八境臺招同吳菌次觀莊陳緯雲諸公醺集分

韻

丁焯

百雉孤城傍水隈清秋層閣共御盃俊厨平挹三吳

韻

卷十六

紀言

廿二

秀詞賦還推二陸才叠嶂連雲官路峻澄江如練仿  
帆開望中魏闕天邊遠客思臨風不易裁

新涼袷服曳輕羅賓主談深逸典多風急莎村砧乍  
起月明楓浦鴈初過琅琅八詠懷前哲渺渺雙流嘆  
逝波醉後憑闌還顧曲芙蓉樓外有笙歌

前題

丁焯

虎頭危構倚崆峒八境平臨眺望中山接粵閩天咫  
尺城連章貢水西東登樓酒借金龜換過嶺詞傳玉

局工共是客邊逢勝地莫拋盃杓負秋風  
簷楹虛敞葛衣涼晞髮憑闌興轉狂名士半多湖海  
氣中林不散蕙蘭香雙虹挾雨明秋浦孤塔凌空倒  
夕陽醉後渾忘歸路近霜蹄迸落紫遊韉

登虔城感賦十首

贛南副憲

王紫綬

虔州遙隸古洪都千里西南另一隅邱澠合兵贗濟  
北陳吳傳合假扶蘇怒潮海射東西浙血浪湖漂大  
小孤此地書生曾建節時時風雨吼昆吾

贛縣志

卷十六

記言

廿三

官衙蕭索似寒窻徒手登陴血滿腔百粵車書餘一  
嶺七閩衣帶接三江王敦門第甘生負李廣功名恨  
殺降僂欲短衣隨獵馬雲中鵬影正雙雙

東汀西桂柝相聞幾處灰飛劫火焚井臼行間添婦  
子樓船天上下將軍瘴鄉濕枕城頭霧澤國腥橫戰  
後雲四面敵來皆不少獨將孤劍倚斜曛

耻將生計語家人委命疆場又一春幾見漢庭歸陸  
賈旋聞蠻海屬盧循權後主爵無餘吏寵冠諸王右

賜緡自是不才留滯久誰憐天末老孤臣

勦撫經年總不成逢人羞說請長纓長安不返吳王  
子嶺右猶稱徵貳兵雙羽檄來飛五夜一朝衙署飯  
三更此中別有關心事相繼星芒落夜營

郡外山高面面齊楚氛纔隔剋震西西川鼓角喧三  
峽南詔烽烟燎五溪雲擁虎貔盤龜滿月明鴻鴈壓  
城低板橋茅店無尋處日落空郊鬼自啼

不平終日對吳鉤十郡城空只上遊纔報公孫收葢

贛縣志

卷十六

紀言

廿四

部復傳僕因據梁州閨中夢斷河邊骨馬上裝定塞  
外裘多少旄倪還悵望盈盈笑語上朱樓

四野燐青野火燒轅門深坐霍嫖姚冠多縑縷山連  
楚將忽椎箕地叛潮藜谷箐稠猿臂短柳營芻飽馬  
蹄驕同時七國皆如此晁錯如何負漢朝

幾處脫巾戈倒持盱江今已駐王師圍浮謾道呼蒼  
葛舍暮仍聞藁負羈關外借才衙燾早軍中需吏嬰  
衰立嶺梅開徧家郵斷驛使何由寄一枝

聞道天家日築壇，黑貂白馬紫金鞍。  
孟明嚼久仍，戰十式功高合拜官。  
自古山河爭二峽，于今精銳盡三韓。  
丈夫馬革尋常事，莫作諸侯壁上觀。

登八境臺

劉瀚芳

數點漁舟逐浪飛，空庭草色淡朝暉。  
青來絕巘烟橫浦，翠擁驚濤雪濺衣。  
雁影不隨山月落，鍾聲仍送晚潮歸。  
公餘憑眺寒雲滿，猶憶東坡八詠微。

通天巖

贛縣志

卷十六

紀事

廿五

空洞深藏別有天，遙通帝座問因緣。  
山迴鳥道盤雲磴，澗抱龍湫瀉石泉。  
蒼蘚殘碑看落日，疎林小閣俯寒烟。  
坐來疑有餐霞侶，微聽瓊簫到客前。

謁武穆王祠

燕雲唾手數偏奇，十二金牌捲義旗。  
半壁中原看馬立，三台上將奏星移。  
矢心唯鏤精忠字，報國空題武穆祠。  
只有虔州章貢水，灘頭猶作吼聲悲。

遊筆峯山禪院



別是精藍號筆峰遙天一抹走蛇龍風吹急就煙紋  
亂日照雙鉤樹影濃自有蝌文開禹穴不須龜畫衍  
羲封漫言鬼哭蒼公字大地皆成八百鋒

謁家武穆王祠

岳瑞歆 南昌

公奉詔平虔州石洞鄰寇彭友于俄頃而師  
行甚有紀律士卒託宿廛市去則爲之掃門  
滌釜時太守供帳甚盛未及通而公已襍  
偏裨行矣初高宗以震驚太后欲屠虔城

公三四請乃免虔人肖像祠之有以哉

大河以北無堅城况復江南敢弄兵八日平湖俘魏  
闕千騎蕩嶺走蠻荆黃龍大醉苗都督朱鎮齊班訝  
宰衝羸得餘波分此地巍巍廟貌尙如生

重修儲潭廣濟廟碑文

劉瀚芳

豫章自庾嶺而下山勢蜿蜒如龍章貢一水夾之至  
贛而合一名灑水北流二十里是爲儲潭潭深不可  
意計羣峰環拱舊有廣濟廟傳晉咸和中刺史朱瑋  
奉命討蘇峻舟次儲潭有神人告曰我儲君也君能  
祀我當有以報公其請果克捷而還遂爲儲君立  
廟君之云者初非有姓名籍貫諡號官爵傳於人間  
盆山用之靈厥有所司猶夫山之武彘河之馮彘同

贛縣志

卷十六

紀六

廿七

稱爲君也云爾已未仲冬予承乏茲土纔入境見夫  
怪石嶙峋長河如瀉不啻高屋之建旆予指水以盟  
期與斯民更始不崇朝而抵潭之下展謁

聖像肅然起敬而棟折榱崩又未嘗不喟然興嘆也  
屬有師徒之擾奔命不遑而諸生李復珪乘間爲言  
曰贛之邀惠於山靈者數矣廟貌不修曷以云報也  
予曰得毋時絀而舉羸乎雖然生之意則厚矣予按  
祀典禦災捍患有功德於民則祀之示不忘所自也

夫石灘之險豈下於瞿塘灩澦酒哉而仕宦之往來商  
舶之上下有禱必應如響斯答而闔邑士民之以祈  
以報者又趾相錯也卽金鑄其身丹堊其居與致餼  
乎牲牲噐用之需寧爲過歟於是倡議釀金并出所  
積香資一舉而更新之而此邦之鄉大夫暨都人士  
與夫四方羈旅行邁之人無不傾筐倒庋以助成厥  
工者匝歲之間鳩工庀材陶甃礱石金碧輝煌丹雘  
聿新予適有事至其地瞻禮甫畢衆乃徵予不文之

贛縣志

卷十六

紀十

廿八

詞以記之予旣弗獲辭遂乃颺之曰昔濂溪闡聖教  
於前陽明振絕學於後清獻焚香告天以勵清操鄂  
國穢渠釋脅以昭神武皆有專祠以隆俎豆而薦苾  
芬况乎扼百粵之咽喉作八蠻之襟帶以爲一方保  
障厥功尤懋載稽往牒石梁之敗皂口之阻雖地勢  
使然哉抑神力所致也今

天子聖德日新百靈效順海晏河清鯨鯢息浪而經  
斯潭也洊歷十八灘亦必順流安瀾風檣無恙恩澤

亶敷無遠弗屆顧不偉歟行當

賜璽加封位晉侯王之上玉馬金龍遙相偕和寧第  
春秋饗祀云爾哉諸生僉曰善請書諸石並系之以  
銘其詞曰潭之上煙霏雨翔潭之下蛟龍伏藏潭之  
涯維糾殿之嵯峨兮風拂拂乎飄黍稷之馨香其衣  
被者在乎閭井而其聲靈遠播者則陽侯不驚夫萬  
里之餘艤吁嗟乎此山之君兮將與世俱永與天爲  
長

章貢臺記

趙 抃

江右遐陬南康古郡水別二派來數百里貢源出新  
樂章出大庾合流城郭於文爲贛奇峰怪巖環視萬  
狀予嘉祐六年夏四月以言出守仲冬始至視事屬  
歲穰盜息渝劇成簡英僚佳賓間爲觀遊望闕鬱孤  
軒豁于前阜盖白鵲瞰臨左右治西北隅有野月野  
景亭舊址隳圯于是斲榛翦蔓復屋其上前所謂二  
水離合氣象左右擁抱一舉目無毫髮遺處旣而命  
贛縣志 卷十六 記 三  
儔舉觴授筆爲記以新其名章貢云益不失實也明  
年六月二十三日記

新建濂溪書院記

羅 璟

天生聖賢扶持人極在上則行其道以熙皞一世在  
下則明其道以傳示無窮此堯舜禹湯文武周公孔  
子所以繼天立極而非偶然也自孟子沒聖學不傳  
千數百年而濂溪周子始出稟清明純粹之資當五  
星聚奎之運作太極圖易通諸書言簡而道宏文質

而意密明天理之根源究萬物之終始精微廣大木  
末兼該誠可以輔翼六經配學庸語孟而並行也周  
子具王佐之才宋慶曆熙寧間歷任州縣所至一意  
愛民洗冤澤物其所設施鑿鑿乎皆聖賢之學而從  
容措諸行事者爲贛倅趙清獻公適爲守察其所爲  
久之執其手曰今日乃知周茂叔此豈可以淺近窺  
者哉舊有濂溪書院益郡人建之以寓其棠之思去  
邦治三聖歲久淪廢莫知其所順德何君琬以御史

贛縣志

卷十六

記古

世一

出守於贛政治廉明令行禁止數載之間百廢具興  
欲復書院而不得故地乃謀于同寅白於當道時都  
憲會稽韓公奉命巡撫江西駐節於贛百吏効職盜  
息民安兵備憲副山東馮君分守少叅金陵蔣君俱  
在贛僉喜曰修廢舉墜郡守職也唯其宜遂擇府治  
前隙地徙郵舍而克拓之復建書院前堂後室翼以  
兩廡總一百五十餘楹宏敞軒豁足以妥神靈而聚  
衆學外爲大門樹高坊以表著之又別築光風霽

亭于其左鑿池植蓮落成之日二守馬君鉉曰此不可無文以傳乃專使馳書詣予請記夫續涑淵之絕學啟河洛之正傳周子于斯道萬世之功也然而追復百年之廢墜興起一郡之士風則何守之治有功于顛又豈止一世哉唯顛之賢秀尙念諸公作興之意升堂起敬玩其圖熟其書夙興夜寐身體力行積以歲月將不有濂溪其人者出乎于是虔州可以繼涑淵而接濂洛斯則何守之功著矣雖然此豈可以

顛縣志

卷十六

紀言

附二

口耳得也姑記之以俟

皆春堂記

董越

皆春堂在顛邑治後今令五羊何侯所扁也侯之言若曰民之命懸於吏猶物之生待於春春之言蠢也物所由以蠢動也物必蠢而後動而動之必以春春非自能動物也因天之元因天之命而氣以宣之也吏爲天子牧小民宣德化而不能如春之熙然以施盎然以育其責固有所未盡矣故良善安業言植

之欲其安吾之春也顛連無告吾養之欲其固吾之春也強稷敗類吾去之懼其撓吾之春也凡窮山荒谷之不易達縣令刺史之庭吾視之當不異一家之赤子而旱作夜思恐恐乎其不能及故揭皆春於楮庶與二三僚友昕夕顧諟以自警固非敢爲夸大也願有記惟春之字見於昔人所取非一大率多自氣之和言之如所謂與物爲春有腳陽春滿懷是春一月坐春風之類是也氣不和則戾不節則流二者皆非

天之道而人所當法者然春之可以包四時政猶元之可以包四德故夏之長爲春長也秋之歛爲春歛也冬之藏爲春藏也凡其所以爲憐舒爲榮悴雖循環無端要之必有元亨以爲之通而後有利貞以爲之復是春乃天地仁育之氣所謂以生物爲心者也然不有小變以節之則歲功亦無自成矣吏之於民也亦然寬仁以居之黜姬以待之省刑薄斂以生息蕃育之然必正以義斯不過節以禮斯不悖和以樂



斯不流殺之所以生之勞之所以佚之喜怒賞罰又所以扶持而安全之於天之道庶幾無悖而春之育也可法以施不然雖有愛民之心將不被其澤矣笑之堂而扁以皆春其亦有見于此歟然此有而彼無不皆也始如是而終不如是不皆也淑氣一動群物固勃然以興而鄒律不吹燕谷之寒終於不煖然則欲百里之皆春而不以望于天子之命吏奚可哉至制仍舊而古槐之出廳事佳木之秀前榮於皆春不能無助而侯之取義則不以斯侯爲誰文縉其名德章其字成化戊戌進士爲顛令三季廉介有爲寬仁有制不激不詭人也視其所羨益可知其所存焉

重修贛縣儒學明倫堂引言

劉翰芳

劉歆氏曰仲尼沒而微言絕七十子卒而大義乖余謂其說非也孔子以六經垂教萬世自中土以至列服之地誰不知有孔子者唐以經義取士歷代因之士之以制科進者皆曰吾學孔子之道者也而善學孔子者莫如孟子其推原三代建學之旨也曰皆所以明人倫嗚呼聖人之道盡于是矣故有夫婦而後有父子有父子而後有兄弟有兄弟而後有朋友有

贛縣誌

卷十六

紀七

卅五

朋友而後有君臣五典之勅勅以是五禮之庸庸以是五刑之弼弼以是而要必奉一人以為宗主故又曰聖人人倫之至也孔子述二帝三王之道定為六經而天下後世遂知有師矣漢高帝初定天下即以一太牢祀孔子于闕里至唐始詔天下郡縣皆立學而尊祀孔子于大成殿殿後為明倫堂以為諸生講肄之所迄于今不廢而後知古人之題堂名不苟正與孟子意合焉可以明倫二六為耳目之所近而忽

諸韻自宋慶曆間始建學宮歷元及明至我朝定鼎郡城罹兵火者再老氏云師之所處荆棘生焉而郡縣兩學幾成廢壞邇來四海蕩平文教誕敷遂下

詔重葺

學宮清復故址予每謁 道憲丁公 關憲吳公暨同郡 各憲卽諭之曰自古賢令率以興學育才爲第一予曰唯唯如民力何雖然又惡可以已于是首

贛縣志

卷十六

紀四

卅六

倡捐貲而同寅諸丈翕然從之遂鳩工庀材先以郡學庶幾丹碧輝煌矣至于縣學又予所自爲政者也闕而弗修何以仰荅 各憲諄復之命再倡捐貲更進多士而告之曰若知爾鄉前事乎初翹學於郡治東偏再徙于景德又再徙于祥符卒仍歸于景德以爲形勝所鍾自是而科甲鼎盛接踵而起安得謂彤家之言不足據耶辛酉郡學工甫竣而鄉試得雋者四人越明年壬戌甲榜遂膺木天之選地靈人傑

若桴鼓諸生寧無意乎諸生皆踴然起曰唯我闕郡  
諸大夫教遂倡議贖金以求飲于紳衿者願爲衆擎  
之舉而請予一言以弁其首

論曰先王之教曰政貴有恒辭尚體要不恒則弊  
不要則麗以詔臣民則不信以告君父則不孚  
以贈多生則不誠以紀事功則不實以格神明  
和上下則無以感通而發人之至情故立言之  
道本於經之至矣卽下及序說詩詞亦必有關  
乎學術政事有裨乎世道人心而後其言可傳  
其傳可久也贛處吳楚閩之交界漢唐以來千  
百年間制誥饒愷惻之詞表疏矢匡弼之義碑

贛縣志

卷十六

紀言

廿八

則叙事洋瞻詩辭則寓意遙深論學校語切  
明倫咏山水言多雋永書 序友生之誼序傳  
揚後先之徽其他名人載筆句溢縹囊使節停  
輪卷盈緇 讀之皆可觀而可興謹擇其言之  
尤要者載之其亦有關於學術政事有裨於世  
道人心也乎固不徒以輔鞮山川表揚風景而  
已也

